

13. maj

Inatsisartut ukiakkut 2017-imi ataatsimiinneranni Naalakkersuisut, aallarnisaasunut suliffeeqanillu ingerlatsisunut, aningaaserivitsigut aqutit nalinginnaasut atorlugit attartorsinnaanngitsunut, annikittunik taarsigassarsisitsinermik ukiuni sisamani misiliinissaq anguniarlugu, Inatsisissamik saqqummiussinisamik peqquneqarnissaannik aalajangiiffigisassatut siunnersuut. Misiliinerup nalaani Aningaasanut Inatsimmi ukiut tamaasa siunertamut 500.000 kr.-nik immikkoortitsisoqartassaaq. Taarsigassarsiat killilimmik annertussuseqartassapput soorlu 20.000 kr.-iniit 100.000 kr.-inut. Inatsisissatut siunnersuummi ernialersukkanik taarseraanissamik periusissaq ilanngunneqassaaq, pisortat annaasaqarsinnaanerit killilersimaarusullugu. Tamatuma saniatigut Inatsisissatut siunnersuut misileraanerup naanerani nalilersuinissamik piunasaqaammik ilaqassaaq.

(Inatsisartunut ilaasortaq Naaja H. Nathanielsen, Attaviitsoq)

Inatsisartuni ilaasortaq Naaja H. Nathanielsenip aalajangiiffigisassatut siunnersuutaa pillugu Siumumiit imatut oqaaseqarfigissavarput.

Namminersorlutik suliffiuteqarluni inuussutissarsiuteqarneq arlalinnut sammivilerlugu ineriisaanissamut Siumut anguniagaqareerpoq. Tamannalu inerisarneqassooq inuussutissarsiutitigut pilersaarusiornikkut, tassanilu anguniagaalluni namminersorlutik suliffiutitaarusuttut aammalu aningaasaliisartut aningaaseriviillu akunnerminni attaveqarluarnerunissaat anguniagaalluni.

Inatsisartuni oqaluuserisassap UPA2016/27 suliarineqarmat erseqqisarparput qanoq pingaaruteqartigisoq suliffittaarniarlutik aallarnisaasut tapiiffigineqarnissaat eqqartorneqarmat, inuit nammineq suliffiutitaarniarlutik aallarnisaasut aallartisarniarnermi tunngavissagissaartariaqartut, oqaatsillu taakku suli attappavut. Avataaniit nioqutissanik sullissinermilu atugassanik assigiinngitsunik suli eqquusuinersuaq ingerlaavarumik atuuppoq, taamaammat suliffinnik nutaanik aallarnisaarusuttut ikorfartortuartaqarpagut, apeqqutaatinnagu suliffiaraanersoq, akunnattumik angissuseqarnerisooq imaluunniit suliffeqarferujussuarmik aallartisaasuunersoq, uagummi nammineq immitsinnut pilersorsinnaanitta inerisartuarnissaa naleqqussartuarnissaalu pisariaqartipparput pisiatta nunallu allanut tunisat oqimaatigiinnissaat anguniarumallugu.

Siumumi isumaqarpugut aqqissuussinerit aallarnisaaniartunut akisuvallaalersinnanerat miannertartoqartuq, soorlu assersuutigalugu, aningaasanik annikittunik taarsigassarsisitsinermi atukkiunneqartatut erniaat ernianit nalinginnaasunit akisunerusarput, atukkiunneqartut qularna-veeqqusigaanngimmata, aningaasanik atorniartup aningaasat attartugai utertissinnaassanerai qulakkeerneqarsimanngimmat, taamaalilluni aningaasanik atukkiisut qaffasinnerusumik ernialersuisarlutik, ajutooriartaartuqarsinnaanissaa eqqarsaatigereerlugu.

Annikittunik taarsigassarsisitsinermik ajutoortoqariartaarsinnaaneranut sillimaffissat ilaatigut makku eqqumaffigineqassapput:

- Aningaasat atukkat piffissap isumaqatigiiffiusup iluani utertinneqarsinnaanissaat

- Aningaasat atukkat inuttut pisinnaasat najoqqutaralugit angissuseqartariaqarmata, aningaasatigut attartortup akilersuisinnaasariaqarluni immineq inuuniarnerminut artukkinngikkaluarluni, taammaatumik
- Periarfissaasunit tamanit kingullertut atortariaqarpoq

Naalackersuisut akissuteqarnerminni ersarissarpaat, inatsisini pioreersuni periarfissaqareersoq suliffeqarfinnik nutaanik aallarnisaaniartunut aammalumi suliffeqarfinnik pioreersunut, aningaasaqarnikkut periarfissaatigut pitsaanerusumik inerisaanissamik periarfissiinissaq, tamannalu tunngavigalugu Siumut upperilluinnarpaa, aningaasalersueriaasissanik periarfissat tassaasariaqartut, inuussutissarsiutitigut isumassarsiat inerisaanermi iluaqutaasinnaasut, tamannalumi Naalackersuisuniit oqaatigineqarpoq, inuussutissarsiutitigut inerisaanissami inatsisunik peqareersoq, imatut siunertaqartumik, aningaasanik atorniartussap aammalu atukkiisussap illugiisillugit ikorfartuutigisinnaasaannik inatsisiliornikkut sinaakutissaqartoq.

Ilanngullugu aamma oqaatigisariaqarpoq, suliffinnik nutaanik aallarnisaasut aamma allarlunnarmik periarfissaqarmata, tassalumi qinnuteqarnikkut tapiiffigitissinnaallutillu aningasalersorneqarsinnaammata pilersaarussiaqarpata naammassillugu inaarsakkaminnik, una siunertaralugu ilisimasanik nutaanik katersuinermi inerisaasoqassappat inuussutissarsiutitigut inerisaaffiusartuni¹.

Oqaaserineqartut tunngavigalugit Siumup innersuussutigaa siunnersuutip itigartitaannissaa.

Suka K. Frederiksen
Siumut

¹ Hovedkonto 64.10.27 Erhvervsudviklings- og markedsføringsprojekter; FL2016, s.456